

Nefndasvið skrifstofu Alþingis
Austurstræti 8 -10
150 REYKJAVÍK

Reykjavík, 15.02.2013
1301020/Ó


Efni: Umsögn Isavia um þingsályktunartillögu um endurbætur björgunarskipa, Þingskjal 605 – 471 mál.

Vísað er til erindis nefndarsviðs Alþingis dags. 28. janúar s.l. þar sem óskað er eftir umsögn Isavia um tillögu til þingsályktunar um endurbætur björgunarskipa sbr. þingskjal 605 — 471. mál á 141. löggjafarþingi 2012–2013.

Isavia annast þjónustu við flugumferð yfir landinu og hafsvæðinu sem umlýkur það auk þjónustu á flugvöllum landsins sem flestir hverjir liggja við sjó. Hluti af þessari þjónustu er viðbúnaðarþjónusta vegna óhappa eða vá sem steðja að loftfari yfir sjó.

Isavia er í góðu samstarfi við alla björgunaraðila á landinu á þ.m.t. Slysavarnarfélagið Landsbjörgu. Í ófáum tilvikum hefur reynt á samstarf þessara aðila vegna leitar eða björgunar í sjó. Félagið telur mikilvægt að við þær aðstæður sé hægt að leita til vel búinna björgunarsveita enda er réttur tækjabúnaður mikilvægur hluti hverrar björgunaraðgerðar. Félagið telur að verði tillagan samþykkt muni hún verða jákvæð aðgerð til að bæta viðbrögð við óhappi á sjó þ.m.t. vegna loftfara í vanda.

Virðingarfyllst,



Ingunn Ólafsdóttir
Skrifstofustjóri yfirstjórnar Reykjavík



Alþingi
Nefndasvið – Allsherjar- og menntamálanefnd Alþingis
Austurstræti 8-10
150 Reykjavík


Alþingi
Erindi nr. P 141/1326
komudagur 30.1.2013

LHG/003/9,6/DS/sig
Reykjavík 30. janúar 2013

**Umsögn Landhelgisgæslu Íslands um tillögu til þingsályktunar um endurbætur
björgunarskipa þskj. 605 – 471. mál á 141. löggjafarþingi 2012-2013.**

Landhelgisgæslan telur nauðsynlegt að tryggja fé til endurbóta og endurnýjunar á
björgunarskipakosti Slysavarnarfélagsins Landsbjargar. Björgunarskip þessi eru hluti af
öryggiskerfi landsins vegna sjófarenda og loftfara á leitar- og björgunarsvæði Íslands.

F. h. Landhelgisgæslu Íslands,


Dagmar Sigurðardóttir
lögfræðingur.



Reykjavík 14. febrúar 2013

Alþingi - allsherjar og menntamálanefnd Alþingis
Nefndasvið Alþingis
Austurstræti 8-10
150 Reykjavík


Umsögn, tillaga til þingsályktunar um endurbætur björgunarskipa, 471. mál

Allsherjar- og menntamálanefnd Alþingis óskaði 23. janúar 2013 eftir umsögn Slysavarnafélagsins Landsbjargar um tillögu til þingsályktunar um endurbætur björgunarskipa, 471. mál.

Slysavarnafélagið Landsbjörg (SL) tekur heilshugar undir með flutningsmönnum þingsályktunartillögunnar og fagnar henni. SL ítrekar um leið mikilvægi þess að farið verði í endurbætur og viðhald björgunarskipa félagsins.

Björgunarskip Slysavarnafélagsins Landsbjargar eru mjög mikilvæg í þágu öryggis sjómanna sem og við leit og björgun á hafssvæðinu við Ísland og við strendur landsins. Því er mikilvægt að viðhald björgunarskipanna, og ástand þeirra á hverjum tíma, sé tryggt með sem bestum hætti.

F.h. Slysavarnafélagsins Landsbjargar



Jón Svanberg Hjartarsen
framkvæmdastjóri